


6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9



老子屬齊口義下

屬一齊 林一 希逸

上德不德章第三十八

上德不德是以有德下德不失德是以無
德上德無爲而無以爲下德爲之而有以
爲上仁爲之而無以爲上義爲之而有以
爲上禮爲之而莫之應則攘臂而仍之故
失道而後德失德而後仁失仁而後義失



義而後禮夫禮者忠信之薄而亂之首也
前識者道之華而愚之始也是以大丈夫
黜其厚不取其薄居其實不居其華故去
彼取此

上德之人有德而不自知其德化也惟其能化
是以有德不失德者執而未化也執而未化則
未可以爲有德故曰無德上德下德只前章太
上其次之論無爲而無以爲即無爲而無不爲

也以者有心也無以爲是無心而爲之也下德
之有以爲則爲容忘矣既言上德下德又以仁
義繼之上仁爲之而無以爲以仁爲上德也上
義爲之而有以爲以義爲下德也老子之學以
禮爲強世先以仁義抑揚言之而後及於禮則
禮爲渝下矣爲之而莫之應強民而民不從之
也仍引也民不從而強以手引之強掣拽之也
只是形容強民之意故曰攘臂而仍之道自然

也德有得也自然者化有得者未化故曰失道而後德仁者有愛利之心比之德又下矣義者有斷制之心比之仁又下矣禮者有強民之意比之義又下矣老子之言仁義禮其字義皆與孔孟不同就其書而求其意可也若論正當字義則皆失之禮者忠信之薄言脩飾於外而不由中矣其意以禮爲出於人僞故曰亂之首前識者多識前言往行也以多識爲智則非道之

實矣華者務外也以此爲智反以自愚故曰愚之始曰厚曰實只是務內之意去彼取此者言其不爲禮而爲道也此者道也

昔之得上章第三十九

昔之得一者天得一以清地得一以寧神侯得一以靈谷得一以盈萬物得一以生王清將恐裂地無以寧將恐發神無以靈將

趙春按清寧靈盈生貞
抑韻也裂堊竭威蹙押韻也。

恐歎谷無以盈將恐竭萬物無以生將恐滅侯王無以爲貞而貴高將恐躉故貴以賤爲本高以下爲基是以侯王自稱孤寡不穀此其以賤爲本邪非乎故致數車無車不欲琭琭如玉落落如石

不欲琭琭如玉落落如石
一者道也天之所以清明而垂象地之所以安
靜而載物神之所以虛而靈谷之所以虛而盈
皆此道也萬物之所以生亦此道也侯王之所

又繫辭上。易為月
子。易。蓋在而水者。
正十六。易。者。如故。卦
易繫辭云。乾坤毀則无以
見易。不可見。則乾坤或
无乎息矣。
翼發之泄也。

以保正萬邦亦此道也其致之者言其清寧靈盈生正皆因比道而得之裂猶周易言剗也發言動而不定也歇消滅而不靈也竭盡也虛則能受不虛則盡止而不可受矣麗顛也麗貴高之位而無比則顛麗矣曰賤曰下即前章所謂少則得之意皆虛而不自有也貴賤高下兩苟亦只是壁喻無賤何以爲貴無下何以能高下興賤乃貴高之基本也侯王之稱曰孤曰寡人

莊子駢拇篇云。枝於仁者。

擢德塞性。以故名聲便天

丁賓鼓。以奉不及之法。非

乎。而曾史是已。△後章曾

曾子也。史子魚也。

曰。不穀皆是自卑之辭。又以此爲虛而不自有。
之喻。非乎者言我如此說。豈有不然者乎。莊子
曰。非乎。而曾史是也。亦是此類文勢。此兩字文

之奇處。數車無車。一本作數輿。無輿譽。誤也。

此兩句本是壁言。若作譽字。則與下文如玉。如

李卓君老子評云。楊用脩曰。按佛經三教論曰。老子爲尹。談。蓋述而不作。五千文者容成所作。老子爲尹。談。蓋述而不作。又按莊子引容成氏曰。除日無歲。無外無內。則容成氏固有書矣。老子述而不作。此其明証。

然落落然終不可易。車則可有。而可無。至石則
一定而不可易。可有可無。則近於道盡而能化
也。一定不可易。則不化矣。莊子曰。除日無歲亦
數車無車之意。

反者道之動。章第四十

反者道之動。弱者道之用。天下之物生於
有。有生於無。

易說卦云。艮東北之
卦也。万物之所成終。
而所成始也。故曰成

言乎良。程子曰。艮。止也。生也。止則使生。不。止則不生。此艮終始万物。又曰。陰陽生長之際。无截然斷終之理。故相挽掩。過終始万物。万物盛乎良。此。係神妙。須研窮這。物理。

所以成終成始。也能弱而後能強。專於強。則折矣。動以靜為用。強以弱為用。故曰。反者道之動。弱者強之用。如此造詣。文法也有。天地然後有萬物。故曰。物生於有。然天地孰生之。天地之始。生於太虛。是生於無也。因動靜強弱。而又推言有無之始也。老子之學。大抵主於虛。主於弱。主於卑。故以天地之間。有無動靜。推廣言之。亦非專言天地也。

上士聞道章第四十一

君乎曰。中士所聞非至美也。下士所見非至善也。中士所眩。下士所笑。乃美善之美善者也。

翼云。應人之乞。而終以見還。曰。貸。趙志堅云。貸者暫借。非長與也。且者權成。非久固也。欲使象貸者。不長往。得成者。非久住。感貸荷成速。饭於道。元次注。大器者業也。至人以其糠粃土苴為譽。而器未嘗不大也。孔

上士聞道勤而行之中。上士聞道若存若亡。下士聞道大笑之。不足以為道。故建言有之。明道若昧。夷道若類。進道若退。上德若谷。太白若厚。廣德若不足。建德若偷。質真若渝。大方無隅。太器晚成。太音希聲。大象無形。道隱無名。夫惟道善貸。且成勤而行者。言聞而必信也。若存若亡者。且信且

子以管仲爲小盡則帝王之功其大盡乎。

疑又以爲有又以爲無也最下鄙俚之人則直笑之耳惟最下之人以之爲笑方見吾道之高退之論又且曰人笑之則以爲善况道平建言者立言也言自古立言之士有此數語明道若昧以下數句是也此亦是設辭言此數句不出於我自古有之也明道諾惟昧則明前章曰自見者不明又曰不自見故明即此也進道若退者能退則爲進也楊子所謂以退爲進也夷乎

也夷道大道也太道則無分別類同也和光同塵之意也上德若谷能虛而不自實也太白若辱不皎皎以自異也廣德若不足若自足則狹矣偷竊也欲爲而不敢爲也建立其德是有爲者而爲之以不敢爲所以能建立也質真若渝真實之質純一而無變而自有若已渝變之意此亦足而不自足之意大方者太虛也太虛之間雖有東西南北孰見其方隅哉太器晚成如佛書云迷故三界城悟故十方空本來無東西

何處有南北。又云西方
非西方。

山谷詩人間北看成南。

比云後章者未八十一
章之詞也。

鑄鼎之類，豈能速就哉？太音希聲，天地之間，音
之大者莫大於風霆。嘗常有哉？希者不多見也。
大象天地也。易曰：「法象莫大於天地。」天地之形
誰得而盡見？之道隱無名，不可得而名也。此數
句或是指實之語，或是譬喻之語。其意皆主於
能虛能無而已。貸者與也。推以及人也。有道者
能以與人而不自有也。成者道之大成也。成已
成物，而後謂之大成也。後章又曰：既以與人已

愈多亦此意也。

道生一章第四十二

翼云：九，動物皆止於後。
陰靜也。耳目口鼻居前。
陽動也。故曰負陰抱陽。
植物則背寒向煖而冲
氣運乎其間。木絕水
曰梁木。貞棟亦曰梁，取
其力之強也。故曰強梁。
金人銘曰：強梁者不得
其死。好勝者必遇其敵。
蓋古人掌以此爲教而
我亦教之。但老子猶尊
之曰：教父者如言万物
之母也。謂母主養父主
教。故言生則曰母。言教
則曰父。

得其死。吾將以爲教父。

一、太極也。二、天地也。三、三才也。言皆自無而生。

道者無物之始，自然之理也。三極既立而後萬物生焉。萬物之生皆抱負陰陽之氣以冲虛之理行乎其間。所以爲和也。人之所惡莫如彊寡不穀。而王公以爲稱。此亦譬喻有道者自卑自賤之意。其意蓋謂天地人皆自無而有萬物。以陰陽爲質。而其所以生生者皆冲虛之和氣學道者當體。此意則必以能虛能無爲貴。天下之物或欲損之而反以爲益。或欲益之而反以爲

損損益之理有不可常。如月盈則必缺。此益之而損也。既缺則必盈。此損之而益也。人之所教猶是。今世人之所以設教。彼亦曰。我之所教皆義理也。但知求益。但知求勝。而不知剛柔者。必折盈。不可以久。故曰強梁者不得其死也。若吾以道教之。則皆在衆人之上。是世之所師者。又當以我爲師也。故曰吾將以爲

翼云。馳騁後使也。堅猶
剛強。不曰剛強。曰堅。變
出人跡。存

文叶韻也。無間無內也。
至剛者天下莫能勝而
至柔能役之。無內者天
下莫能破而無有能
入之。二語皆設喻以明
無爲之有益也。子由
注云以堅御堅不折則
堅以柔御堅柔亦不靡。
無爲之有益也。子由
注云以堅御堅不折則
堅亦不病求之於物則
水是也以有入有得不
相受以無入有無未嘗
勞。有未嘗覺求之于物
則鬼神是也。是以聖人
唯能無爲故能役使衆
強出入群有。

天下之至柔章第四十三

天下之至柔馳騁_{廿云}天下之至堅無有入於
無間是以知無爲之有益也不言之教無
爲之益天下希及之矣

堅者易折柔者常存以至柔而行於至堅之間
如木之穿石是也無間無縫罅也無有即無形
也如人身營衛之間可謂無間而氣脉得行之
無隙之隙而日月之光亦入之此皆無有入於

無間也此兩句譬喻也以此而觀則知無爲無
不爲者至理也不言而教自行無爲而功自成
此皆至道之妙用而天下之人知不及之故曰
天下希及之有益有功用也

名與身章第四十四

名與身孰親身與貨孰多得與亡孰病是
故甚愛必大費多藏必厚亡知足不辱知
止不殆可以長久

翼云多猶重也。

名貨皆外物也。無益於吾身則難得。雖亡何足爲病。而不知道者每以此自病。愛有所著則必自費。心力以求之。愛愈甚則費愈大。此言豪也。貪而多藏。一旦而失之。其亡也必厚。無所藏則無所失。藏之少則失亦少。多藏乃所以厚亡也。此二句發明下二句也。惟知足者不至於自厚。知止者不至於危殆如此。而後可以長久。此三句却是千古萬古受用不盡者。

子由注云。壁處躁之不能靜。之不能躁耳。夫躁能勝寒。而不能勝熱。静能勝热。而不能勝寒。皆滯于一偏而非其正。

大成若缺章第四十五

大成若缺其用不敵太盈。若邪其用不窮。大直若屈。大巧若拙。大辯若訥。躁勝寒。靜勝熱。執清靜爲天下正。有成則有缺。大成者常若缺。則其用不敵矣。有盈則有虛。太盈者常若虛。則其用不窮矣。前章曰。壅則盈。敝則新。即此意。大直則常。若屈然枉則直也。曲則全也。大巧者常若拙。然不自矜也。唯泊然清淨不染于非成非缺。非盈非冲。非直非屈。非巧非拙。非辨非訥。而後無所不勝。可以爲天下正矣。老甫註云。寒热者。天地之所爲。有形之所不免也。而一躁焉則可以勝也。以一時之躁靜猶可以勝天地之所行。况夫体無爲也。清靜以爲天下正。則安往而不勝者乎。

翼云郤屏去也。糞下有車也。吳幼清本糞下有車字。以張衡東東京賦郤先馬以糞車爲証。戎馬戰馬也。郊交也。二國相交之境也。戎馬生於郊。言兵文不還也。一性之內無久無余。人能安之無往不足。故曰知足之足常足。

文選第三。東京賦。郤走馬以糞車。天下無道。戎馬生於郊。罪莫大於可欲。禍莫大於不知足。咎有道。郤走馬以糞者。田糞者。田糞車也。言禮義大布甲兵不起。郤走馬以務農。雖飛鬼注云老子云。天下有道。却走馬以糞天下無道。戎馬生

天下有道章第四十六
天下有道。却走馬以糞。天下無道。戎馬生於郊。罪莫大於可欲。禍莫大於不知足。咎有道。郤走馬以糞者。田糞者。田糞車也。言禮義大布甲兵不起。郤走馬以務農。雖有駿馬。終無所用。誰復愛惜之。又云却退也。

莫大於欲得。故知足之足常足。

以糞走之馬。却以糞田。即不貴難得之貨之意。戎馬生於郊。言爭戰也。戰爭之事。皆自欲心而始。欲心既萌。何時而足。唯得是務。所以爲罪爲禍。爲答也。惟知足者。以不足者爲足。則常足矣。此又發前章知足不辱之意。

不出戶章第四十七

不出戶。知天下。不窺牖。見天道。其出彌遠。

其知彌少是以聖人不行而知不見而名
不爲而成

天下雖大人情物理一而已矣雖不出戶亦可
知天道雖隱陰陽變化千古常然雖不窺牖亦
易繫辭唯神也故不疾而速不行而至注所以
通志而成務者神之所爲也

可見若必出而求之則足迹所及所知能幾目
力所及所見能幾用力愈勞其心愈昏故曰其
出彌遠其知彌少此亦設喻以發明下句而已
不行而自知不求見而自有名不爲而自成聖
至亦此意也

蘓注苟一日知道顧視
萬物無一非妄去妄以
求復性是謂之損孔子
謂子貢曰汝以予爲多
學而識之者與曰然非
與曰非也予一以貫之
天妄以求復性可謂損
矣

人之道其爲用也如此易曰不疾而速不行而
至亦此意也

爲學日益章第四十八

爲學日益爲道日損損之又損以至於無
爲無爲而無不爲矣故取天下者常以無
事及其有事不足以取天下
爲學則日日求自益爲道則日日求自損故前
言絕學無憂蓋言道不在於見聞也太慧云讀

書多者無明愈多亦此意也。黜聰明隨肢體去智與故則損之又損則可以無爲無不爲矣。天下者必以無心有心者反失之。三代之得天下何容心哉。因當時戰爭之俗借以爲喻。其言亦足以戒。此書多有此意。無事有事即無心有心也。

聖人無常心章第四十九

聖人無常心以百姓心爲心。善者吾亦善。

乏不善者吾亦善之。得善矣信者吾信之。不信者吾亦信之。得信矣。聖人之在天下。憄憄爲天下渾心。百姓皆注其耳。自聖人皆孩之。

無常心者心無所主也。以百姓之心爲心。則在我者無心矣。善不善在彼而我常以善待之初。無分別之心。則善常在我。在我之善我自得之。故曰得善矣。子曰苟志於仁矣。無惡也。與此意。

同信不信者在彼而我常以信待之初無疑間
之心則信常在我在我之信我自得之故曰得
信矣子曰不德不信亦此意也其曰吾亦善之
亦信之者非以其不善爲善非以其不信爲信
也但應之以無心而已慊慊不自安之意聖人
無自矜自足之心故常有不自安之意渾其心
者渾然而不露圭角此心渾然所以無善不善
信不信之分也注其耳目者人皆注其視聽於

聖人而聖人皆以聖賢待之故曰皆發之此無
棄人之意也

出生入死章第五十

予由注云性無生死出
則爲生入則爲死用物
取精以自滋養者生之
徒也聲色臭味以自戕
賊者死之徒也二者既
今生死之道矣吾又知
作而不知体知言而不
知默知思而不知忘以
趣于盡則所謂動而之
死地者也生死之道以
十言之三者各居其三
矣豈非生死之道九而
不生不死之道一而已
矣不生不死則易所謂

出生入死民之生動之死地亦十有二夫何故以其
生生之厚蓋聞善攝生者陸行不遇兕虎
入軍不被甲兵兕無所投其角虎無所措
其爪兵無所容其刃夫何故以其無死地

寂然不動者也。老子言其九不言其一。使人自

得之以寄無思無爲之妙也。有生則有死。故生之徒即死之徒也。人之所賴于生者厚則死之道常十九聖人常在不死中生地且無焉有死地哉。筆乘云此十分之中萃居其九皆生之厚者也。夫有生必有死是生固死之地也。

云諸子品節注云。凡出

於生則入於死矣。生之類不一。死之類不一。凡

民之求生動而入於死地者亦不一也。何者以其貪生故求生而得死也。徒類也。十有三言多也。生之厚凡富貴利達肥甘聲色奉養皆是

云評云。十有三諸家類多穿鑿往往爲古人所愚。

焉

出生入死此四字一章之綱領也生死之機有竅妙處出則爲生入則爲死出者超然而脫離之也入者迷而自汨沒也能入而出惟有道者則然。天有十二辰歲有十二月日有十二時十二者終始之全也。十二而下又添一數便是十三分明只是一箇一字不謂之一而曰十三。此正其作文之奇處。言人之生死皆原於此。一一

者幾也。即其幾而求之養之得其道則可以長生久視養之不得其道則與萬物同盡。徒者言其類也。一字本難言且以一念之始強名之亦未爲的切。却要自體認也。民之生者言人之在丑。之所以動而趨於死地者皆在此一念之初。纔把得不定動即趨於死地矣。動非動靜之動乃動輒之動也。之往也死地死所也。夫何故者發問之辭也。此數語爲今古養生者學問之祖。

釋名曰。重也。鄭重懲也。

故老子於此說得亦鄭重生者我所以生也。生者我所以養其生也。養其生而過於厚所以動即趨於死地。此亦輕其身而後身存無而後能有虛而後能盈損而後能益之意說到此處又提起箇蓋聞言我聞古之善養生者雖墮行於深山而不遇兕虎入於軍旅之中而不被兵甲。惟其無心則物不能傷之兕所以不能觸兕所以不能害兵所以不能傷惟其無心故也莊

子曰。入水不濡。入火不熱。亦是此意夫何故又發一問。言物之所以不能傷者以我能虛能損能無而無所謂死地也。此章凡下兩箇夫何故其意甚鄭重乃老子愛用之妙處。所以如此申言之。昔有某寺前一池。惡蛟處之人皆不敢近。一僧自遠來初不知行至池邊遂解衣而浴。見者告之曰。此中有蛟甚惡不可浴也。僧曰。我無害物之心。物無傷人之意。遂浴而出。老子之

說似於虛言以此而觀則其言亦不虛矣

道生之章第五十一

通義曰昔又曰虛無六形之謂道化育万物之謂德。莫不尊道而貴德道之尊德之貴夫莫之命而常自然故道生之畜之長之育之成之熟之養之覆之生而不有爲而不恃長而不宰是謂玄德

道自然也無也凡物皆自無而生故曰道生之

德則有迹矣故曰畜之畜者有也物則有形矣故曰物形之勢則有對矣故曰勢成之陰陽之相偶四時之相因皆勢也莫之命者猶曰莫之爲而爲也非有所使然則爲常自然矣尊貴者言其超出乎萬物之上也命或作爵非也長之育之成之熟之養之覆之皆言旣生旣有之後其在天地之間生生不窮皆造化之力也然造物不有之以爲有不恃之以爲功雖爲之長而

無主宰之心此所以爲玄妙之德玄德即造化也前章言失道而後德此言道生德畜尊道貴德則此章德字比前章又別讀老子者不可如

此拘礙

天下有始章第五十二

通義門意也閉門不思也。

天下有始以爲天下母既得其母以知其子既知其子復守其母沒身不殆塞其兌閉其門終身不動開其兌濟其事終身不

殺見小曰明守柔曰強用其光復歸其明無遺身殃是謂襲常

天下有始以爲天下母即有名萬物之母也母造化也子萬物也知有造化而後知有萬物知有萬物又當知有造化蓋言無能生有有出於無知有者不可以不知無常無欲以觀其妙常有欲以觀其微亦是此意沒身不殆者言如此則終身無危殆之事也兌口也人身則有口人

家則有門皆以喻萬物所自出之地前言玄牝
便是此意塞其兌閉其門藏有於無而不露也
不勤不勞而成功也開其兌出而用之也濟其
事用之而求益也濟益也如此則其危不可救
矣所見者大能歛而小則爲至明所生者剛退
而守柔則爲至強即不自見故明不自矜故長
也光者明之用明者光之體用其光而歸之於
明則無殃咎矣知用而不知藏則遺殃之道也

襲者藏也常者不易也襲常者言藏其用而不
窮也常或作震非

使我介然章第五十三

使我介然有知行於大道唯施是畏大道
甚夷而民好徑朝甚除田甚蕪倉甚虛服
文采帶利劙飲食資財有餘是謂盜誇非
業絕云子則民不得無
節巧許云則知采文云謂服文采獄訟繁奢
金虛虛之則國貧云而民俗滯侈云則衣食之
庫虛而有以滯爲俗則

道哉

介然固而不化之意至道無知無行若固執而

盜諺翼作盜竽誤作盜
卒今徒轉非本轉非解
朝甚除也者獄訟繁也
獄訟繁則田荒云則府
倉虛虛之則國貧云而
民俗滯侈云則衣食之
業絕云子則民不得無
節巧許云則知采文云
謂服文采獄訟繁奢
金虛虛之則國貧云而
民俗滯侈云則衣食之
庫虛而有以滯爲俗則

國之傷也。若以利劍刺之。故曰帶利劍諸夫飾智。故以至於國者。其私家必富。云。故曰資貨有余。國有如是者。則愚民不得無術而效之。云。則小盜生。由是觀之。大茲作則小盜隨。大茲喝則小盜和。竿也者。五聲之長也。故竿先則鐘瑟隨竿喝則諸樂皆和。今大茲作則俗之民喝。云。則小盜必和。故服文采帶利劍。厭飲食。而資質有余者。是之謂盜竿矣。

路狹而捷為徑

不化有知而有行則凡所施爲皆有道者之所畏也。故曰惟施是畏夷平也。太道甚乎入之求道。不知適正。好行利徑之路。譬如有國家者治其朝。則甚整除治也。爲宦室臺榭之類。也朝廷雖美而田畝皆蕪。倉廩皆虛。而且以文采爲服。佩帶利劍。厭足飲食。積其資財。務爲富強。此如盜賊之人。自誇其能。是豈可久此譬喻語也。言人不知太道。而自矜聰明。自誇聞見。比好徑。

之徒也。豈知至道。故曰非道哉老子之文如此等處。可謂工絕。

蓋建不拔章第五十四

善建者不拔。善抱者不脫。子孫以祭祀。不輟。修之身。其德乃真。修之家。其德乃餘。修之鄉。其德乃長。修之國。其德乃豐。修之天下。其德乃普。故以身觀身。以家觀家。以鄉觀鄉。以國觀國。以天下觀天。天下吾何以知。

天下之然哉以此

長上聲建者無不抱者無不脫建德而抱朴
則不拔六脫矣有子孫之家祭祀必不輶道生
一一生二二生三三生萬物生生而不窮亦猶
子孫之嗣其家也此三句皆是設喻以言道雖
無有而實長存也俗諸身則實而無爲俗諸家
則積而有餘慶俗諸鄉則爲一鄉之所尊俗諸
國則其及人者愈盛俗諸天下則其及人也愈

徧長尊也豐盛也普徧也即吾一身而可以觀
他人之身即吾之工家而可以觀他人之家即
吾之一鄉而可以觀他人之鄉推之於國於天
下皆然言道之所用皆同也以此者道也以道
而觀則天下無不然

含德之厚章第五十五

翼云毒蟲蠻之類以
尾端肆毒曰蟄猛獸虎
豹之類以爪按擎曰摶
摶鳥鵠鷄之類以羽距
擊觸曰搏趙志堅曰以
四指握拇指爲握固皎

攫鳥不搏骨弱筋柔而握固未知牝牡之

子每反也。說文云。赤子
陰也。号平聲。嘵所嫁反。
聲嘶也。又啼拯無聲曰。
嚙一作嗌。不嘵。黃茂材
云。古本無嗌字。嗌不嘵。
莊子之文。後人增人之
祥吉凶之條也。

韻會。股歲回反。說文赤
子。食也。从肉。爰聲。又或
作𡇗。見老子。或作𡇗。出
豐類。又遵緝坂義同。又
即委切。又先韵荀。綠切。
縮。云。嗌於反。咽也。亦。
嘵可訛。切聲破也。

臨濟录。大如甕。嘵之器。
不堪貯醜。酬如大器者。
直要不受人惑。注。覽音。
西夏所嫁切。

僖公十六年。左傳云。隕
石于宋。五隕星也。襄公
曰。是何祥也。吉凶焉在。
注。祥吉凶之先見者。疏。
云。吉之先見謂之祥。凶
之先見謂之殃。此總云。
祥者。彼對文耳。書序云。
毫有祥。桑穀共生于朝。
五行傳云。青祥白祥之
類。曆事亦稱爲祥。今是

合而峻作精之至也。終日號而嗌不嘵。和
之至也。知和曰常。知常曰明。益生曰祥。心
使氣曰強。物壯則老。是謂不道。不道早已
含德藏蓄而不露也。厚者至也。含德而極其至
則如赤子然。毒蟲不螫。猛獸不據。攫鳥不搏。言
物莫能傷之也。亦入水不濡。入火不熱之意。赤
子之骨至弱。其筋至柔。而手之所握甚固。未知
有雌雄之事。而其峻亦作者精氣盛也。峻赤子
本細鹿部。韓愈曰。王師搜弓鹿。峻丸方云。鹿廩純陽而峻者。天地初分之氣。牝牡相感
之性也。時珍曰。老子云。一峻子。催反。赤子陰也。今作鹿精之名。亦未爲穩。

之命原也。終日雖號而其嗌不嘵者。心無喜怒。
氣本和也。嗌咽喉也。嘵氣逆也。赤子純一專固。
故能如此。而有道者亦然。只是不動心也。和者
純氣之守也。知此至和之理。則可以常久而不
易矣。知此常久之理。可謂明於道矣。生不可益。
強求益之。則爲殃矣。祥妖也。故曰。益生曰祥。傳
曰。是何祥也。即此祥字之意。以心使氣。是志動
氣也。強者暴也。暴則非道矣。故曰。心使氣曰強。

僖公十六年。左傳云。隕
石于宋。五隕星也。襄公
曰。是何祥也。吉凶焉在。
注。祥吉凶之先見者。疏。
云。吉之先見謂之祥。凶
之先見謂之殃。此總云。
祥者。彼對文耳。書序云。
毫有祥。桑穀共生于朝。
五行傳云。青祥白祥之
類。曆事亦稱爲祥。今是

總名

以此爲強無有不折如物之壯無有不老此皆
不謂之道早已速已之而勿爲也已者止也三
句已見第三十章。

知者不言章第五十六

知者不言言者不知塞其兌閉其門挫其
銳解其紛和其光同其塵是謂玄同不可
得而親不可得而疏不可得而利不可得
而害不可得而貴不可得而賤故爲天下貴

知者不言言者不知謂道不可空言也必塞兌
閉門而藏之於密必挫其銳而磨礪之使無圭
角必解其紛而條理之使不紊亂必和光同塵
而不自昭露此所謂至玄至妙自然而然之理
也有此玄同之道則天下不可得而親又不可
得而疏言其超出於親疎利害貴賤之外也此
道之所以爲天下貴也

以正治國章第五十七

曰天下曰人者。緩辭也。

聖人云下四句詎無事
可以取天下也

以正治國以奇用兵以無事取天下吾何
以知其然哉以此夫天下多忌諱而民彌
貪人多利器國家滋昏民多技巧奇物滋
起法令滋彰盜賊多有故聖人云我無爲
而民自化我好靜而民自正我無事而民
自富我無欲而民自樸

以正治國言治國則必有政事以奇用兵用兵
則必須詐術二者皆爲有心無爲而爲則可以

得天下之心故曰以無事取天下吾何以知其
有心之不可而無心之爲可以此道也忌諱防
禁也利器人世便利之用也技巧工匠之巧也
奇物如桔槔機械等物是也機心既勝機事愈
生故法令愈明而盜賊愈盛此言有心之害皆
譬喻語也故古之聖人但曰無爲好靜無事無
欲而天下自治矣聖人云又見後章

其政悶悶章第五十八

其政闊闊其民醇醇其政察察其民缺缺
禍兮福所倚福兮禍所伏孰知其極其無
正邪正復爲奇善復爲妖民之迷其日固
已久矣是以聖人方而不割廉而不剝直
而不肆光而不耀

缺惑缺也一作歛。失失
望白。

闊闊者不作聰明也察察者煩碎也醇醇自樂
也缺缺不足也此亦有心則爲害無心則自治
之意禍福無常更相倚伏孰知其所極止正者

定也其無正耶言倚伏無窮不可得而定也天
下之事奇或爲正正或爲奇善或爲妖妖或爲
善是非利害莫不皆然此亦禍福倚伏之意壯
人迷而不知徒分奇正徒分妖善其迷蓋非一
日矣惟聖人之爲道雖有方而無隅雖有廉而
無彌雖直而不可伸雖光而不見其耀割削也
廉利則易傷肆伸也不伸不見其直也耀光之

漢書賈誼傳十八云人
生之尊譬言如堂群臣如
陛衆庶如地故陞九級
上廉遠地則堂高陞亡
級廉近地則堂卑高者
難攀卑者易陵理勢然
也注級等也廉側陽也

焰者也此皆藏有於無之意。

治人事天章第五十九

治人事天莫如齋夫惟齋是以早復早復謂之重積德重積德則無不克無不克則莫知其極莫知其極可以有國有國之母真云抵一作帶。又花跌也帶帶同。

可以長久是謂深根固柢長生久視之道齋者有餘不盡用之意齋則能有而無能實而虛宜其可以治人宜其可以事天早復者言齋

則歸復於根極者早矣早不遠也復返本還元也德至此則愈積愈盛矣重愈積之意也克能也德愈盛則於事無不可能也莫知其極者用乏不窮也用之不窮則可以爲國而長久毋者養也以善養人者服天下也治國者如此養生者亦如此養生而能齋則可以深其根固其柢可以長生可以久視根抵元氣之母也久視精神全可以久視而不瞬也今之服氣者或有此

卷之二
七
術雖非老子之學可以驗老子之言此章乃以治國喻養生也

治大國章第六十

通義或作育

治大國若烹小鮮以道蒞天下其鬼不神非其鬼不神其神不傷人非其神不傷人聖人亦不傷夫兩不相傷故德交歸焉此章先頓一句以言不擾之意烹小鮮者攬之則碎治國者擾之則亂清淨無爲安靜不擾此

治國之道也既提起丁句如此下面却言三才之道皆是不擾而已以道蒞天下此天下二字包三才而言之凡在太虛之下臨之以道天則職覆地則職載聖人則職教三者各職其職而不相侵越則皆得其道矣神陽也鬼陰也不曰陰陽而曰神鬼此正其著書立言之意不欲盡顯露也其鬼不神者言地主於陰而不主於陽非其鬼不神者言不特地爲然也地盡地之道不

手於天而天盡天之道亦不手於人故曰其神
不傷人非其神不傷人者言非特天盡天之道
而不手於人聖人亦盡聖人之道而不手於天
地也幽則爲陰陽明則爲聖治此兩者自不相
傷則其德皆歸之言天地得自然之道聖人亦
得自然之道各有其德而不相侵越故曰交歸
之不相傷者不相侵也聖人亦不傷之下一本
多「民字誤也」

大國者下流章第六十上

太國者下流天下之交天下之牝牝常以
靜勝牡以靜爲下故太國以下生小國則取
小國小國以下生大國則取大國故或下以
取或下而取大國不過欲兼畜人小國不
過欲入事人夫兩者各得其所欲故大者
宜爲下

此章借太國小國之得所欲以喻知道之人宜

卷十一
一
謙宜靜非教人自下以取勝也三代而下世有
取國之事故因其所見以爲喻爾下流者自處
於卑下也大國之人能自卑下則可以合天下
之交譬言如牝者以靜而勝其牡也自下者以靜
爲道故曰以靜爲下以大取小曰以取以小取
矢曰而取此兩句文字亦竒特大國之意不過
欲兼畜天下之人以爲強盛小國之意不過欲
鐫刺求入於人二者皆非自下不可惟能自下

則兩者皆得其欲然則知道之大者必以謙下
爲宜矣此句乃一章之結語其意但謂強者須
能弱有者須能無始爲知道一書之主意章章
如此解者多以其說喻處作真實說故晦庵有
老子勞攘之論獨黃茂材解云此一篇全但是借
物明道此語最的當但不能推之於他章故亦
有未通處

道者萬物之奧，章第六十二

黃茂材注。知荆門軍事
享繼間造老子翼

道者萬物之奧。善人之寶。不善人之所保。美言可以市尊行。可以加入人之不善。何棄之有。故立天子置三公。雖有拱璧以先駟馬。不如坐進此道古之所以貴。此道者。何也。不自求以得。有罪以免邪。故爲天下貴。

道者萬物之奧。此提起一句贊美言也。此下却言道在天下。人人有之。無智無愚。其爲善人。

者。有道之人。固寶之愛之矣。其不善人者。有道之人。亦保之。蓋之此。即中以養不中之意。市人之相與。以利交也。亦能爲美言。以相悅。一鄉之間。纔有一善可尊者。人亦推敬之。可以加於人之上。以此而觀。則此性之善。何嘗絕於天下。然則人之不善者。知道之士。其可棄之邪。美言可以市。市者自售也。如今藥家。有曰。不欺廣惠者。是以美言自售也。尊行可以加入。如鄉落之間。句會云落居也。

或有長厚者或有好善者其鄉人亦未嘗不稱
尊^士之此二句蓋謂雖庸人亦未嘗不知此道之
爲善拱璧以先駟馬聘賢之禮也興義厚禮求
賢而致之王公之位不若能虛能謙以求此道
故曰不如坐進此道且古之以此道爲貴者何
也求則得之道本在我爲仁由己由人乎哉有
罪以免者言丁念之善則可以敗過即惡人齊
戒沐浴可以事上帝也不白者如謂詩不云乎
孟子離婁下云西子蒙不潔則人皆掩鼻而過
之雖有惡人齊戒沐浴則以仰上帝。

道無賢恩悟則得之此所以爲可貴故曰故爲
天下貴

爲無爲章第六十三

論語憲問篇或曰以德報怨何如子曰何以報
德以直報怨以德報德集注云或人所称今見
老子書德謂恩惠也。

爲無爲事無事味無味大小多少報怨以
德圖難於其易爲大於其細天下難事必
作於易天下大事必作於細是以聖人終
不爲大故能成其大夫輕諾必寡信多易
必多難是以聖人猶難之故終無難

無爲而後無不爲故曰爲無爲無所事於事而後能集其事故曰事無事無所著於味而後能知味故曰味無味能大者必能小能多者必能少能報怨者必以德能圖難者必先易能爲大者必先於其細自味無味以下皆譬喻也難事必作於易大事必作於細只 是上意申言之也聖人不自大而能謙能興所以成其大輕諾者多過當故必至於失信以易心處事者多至於而易行也非以輕易爲易也

其安易持章第六十四

其安易持其未兆易謀其脆弱破其微易散爲之於未有治之於未亂合抱之木生

難成此亦借喻語也但添一夫字其意又是一轉前言易矣恐人以輕易之心視之故如此幹轉曰易非輕易也聖人猶以難心處事遂至於無難况他人乎此意蓋謂前言易者無爲無事而易行也非以輕易爲易也

於毫末九層之臺起於累土千里之行始於足下爲者敗之執者失之聖人無爲故無敗無執故無失民之從事常於幾成而敗之慎終如是則無敗事是以聖人欲不欲不貴難得之貨學不學復衆人之所過以轉萬物之自然而不敢爲

方其安時持之則易及至於危則難持矣事之未萌謀之則易及其形見則難謀矣脆而未堅

攻則易破及其已堅則難攻矣迹之尚微攻則易散及其已盛則難散矣事必爲於未有之先治必謀於未亂之始合抱之木其生也必自毫末而始九層之臺其築也必自一簣之土而始千里之行必自發足而始凡此以上皆言學道者必知幾此幾字有體有粗如十二之一亦幾也無始之始亦幾也自然之然亦幾也至於爲至於執則皆有迹矣故曰爲者敗之執者失之

聖人爲以不爲執以無執故無敗無失凡人之從事於斯世其所爲之事皆有可成之幾而常敗之者不見其幾而泥其迹也不求事之終而致慎於事之始則無敗事矣衆人之所不欲者聖人欲之衆人之所貴者聖人不貴之難得之貨借喻語也衆人之所不學者聖人學之衆人之所過而不視者聖人反而視之復反也此亦借喻語也聖人惟其如此於事事皆有不敢爲

之心而後可以輔萬物之自然

古之善爲道者章第六十五

古之善爲道者非以明民將以恩之民之難治以其智多以智治國國之賊不以智治國國之福知此兩者亦楷式能知楷式是謂玄德玄德深矣遠矣與物反矣乃至於太順

聰明道之累也聖人之教人常欲使其晦其聰

明不至於自累故曰非以明民將以愚之愚字
下得過當秦之愚鑿首此語誤之故晦翁所以
謂之勞攘也智巧多則民愈難治故以智治國
者反爲國之害蓋上下相尋皆以知巧則亂之
所由生故曰以智治國國之賊不以智治國國
之福兩者智與不智也能知智之爲賊不智之
爲福則亦可以爲天下法矣能知此法則可謂之
之玄妙之德深矣遠矣者嘆美之辭也反者復

也與萬物皆反復而求其初則皆歸於太順之中矣太順即自然也

江海爲百谷主章第六十六

江海所以能爲百谷王者以其善下之故能爲百谷王是以聖人欲上民必以言下之欲先民必以身後之是以聖人處上而民不重處前而民不害是以天下樂推而不厭以其不爭故天下莫能與之爭

百谷之水皆歸之江海江海爲百谷之尊而乃居百谷之下此借物以喻自卑者人高之自後者人先之之意以言下之如曰恩夫恩婦一能勝是也以身後之稽平衆含已從入是也聖人非欲平民欲先民而後爲此也其意蓋謂雖聖人欲處民上民先猶且如此况他人乎語意抑揚稍過當耳聖人雖處天下之上而民不以爲厭已雖居天下之前而民不以爲害已舉天

下皆樂推之而不厭者以聖人有不爭之道故天下莫能與之爭也不重不壓也丁章三是以亦猶穀辭丁章數是故也

天下皆謂章第六十七

天下皆謂我大似不肖夫惟大故似不肖若肖久矣其細我有二寶寶而持之一曰慈二曰儉三曰不敢爲天下先慈故能勇儉故能廣不敢爲天下先故能成器長今

捨慈且勇捨儉且廣捨後且先死矣夫慈以戰則勝以守則固天將赦之以慈衛之大似不肖當時有此語也故老子舉以爲喻亦前章不穀孤寡之意天下皆謂者言天下皆有此常語也夫惟大故似不肖至大者必以至小也若自以爲有所肖象則爲細人矣非大人之心處之肖象也慊然似無所肖象自小之意量也此二句乃老子以當時俗語如此發明也

左傳僖公二十三年。楚子曰。晉公子廣而儉。注公忘廣而体儉。疏云。廣天者失於奢僭。故美其能儉也。晉公子重耳也。

齊物論注。樞合也。應於外者爲接。言人夜則安寢。平旦以來遇合之間。便有應接。內從其心。如

丁本於謂我下添道字其細下添也夫字皆誤也。三寶其道可寶而用之也。我有者人人有貴於已也。惟慈故能勇。惟儉故能廣。惟能不敢先故爲天下之長。左傳曰。晉公子廣而儉。正用此語。儉收斂也。廣開豁也。亦小而後能大之意。器形也。成器即成形也。凡在地之成形者。我皆爲之長。故曰成器長。今人捨慈而用其勇。捨儉而用其廣。捨後而用其先。此非保身之道也。故曰

戰鬪然。目々如是。故曰
「即孟子可謂。且畫之。
所爲有枯亡之者。」
莊子達生篇子列子問
開尹曰。至人潛行不窒。
蹈火不熱。行乎万物之上。
而不憀。請問何以至此。
開尹子曰。是純氣之
守也。

死矣戰交物而動也猶莊子曰與接爲構日以
心鬪也守猶莊子曰純氣之守也人能以慈爲
主則外可勝物內可自守故曰以戰則勝以守
則固救佑助也衛自衛其身也能以慈衛天所
佑也此語隱然有譏責今人不能之意能者天
誘其衷則不能者天棄之監矣前言二寶此舉
其一能慈則二者在其中矣

善爲上章第六十八

善爲士者不武善戰者不怒善勝者不與
善用人者爲之下是謂不爭之德是謂用
人之力是謂配天古之極

士士師之官也武猶健吏也作士明刑豈以
健吏戰而怒念兵也不與不與物爲對也用
爲之下即前章以下取國之意四者之善皆不
爭之喻也不爭之德可以配天可以屈羣力用
天下自古以來無加於此故曰古之極

四善字三言用兵一言
用人三言用已一言忘
己也。

用兵有言章第六十九

翼上行行列也
用兵有言吾不敢爲主而爲客不敢進寸而退尺是謂行無行攘無臂仍無敵執無

兵禍莫大於輕敵輕敵幾喪吾寶故抗兵

相加哀者勝矣

用兵有言者亦舉當時之語以爲喻也用兵者不敢爲主而爲客重於進而易於退以不行爲行以不攬爲攘以無求敵而引敵以無執而爲

執此皆兵家示怯示弱以誤敵之計仍引也引敵致師也如此用兵方有能勝之道若輕敵而自矜自賅則必至於喪敗不爭而勝寶也輕敵以求勝則喪其寶矣故兩敵之國抗兵以相加能自哀者常勝哀者戚然不以用兵爲喜也擊鼓其鐘踴躍用兵則非哀者矣此章全是以借戰事以喻道推此則書中借喻處其例甚明

五章言甚易知章第七十

詩擊鼓擊一注踊躍坐作擊刺之狀也兵謂戈戟之屬隱公四年衛列吁自立之時言有鋒鏑死亡之憂

吾言甚易知甚易行天下莫能知莫能行
言有宗事有君夫惟無知是以不我知知
我者希則我貴矣是以聖人被褐懷玉
吾言甚易知甚易行而天下之人莫有知者莫
有行者此嘆時之不知已也宗主也君亦主也
衆言之中有至言故曰言有宗舉世之事道爲
之主故曰事有君世無知始不我知既言天
莫有知我者故曰夫惟無知始不我知既言天

下不我知矣又曰知我者希則我貴矣此即前
章不袞不足以爲道之意聖人之道足於已而
不形於外猶被褐而懷玉故人不得見之也

知不知章第七十一

知不知上不知知病夫唯病病是以不病
聖人不病以其病病是以不病
於其至知而若不知此道之上也於不可知之
中而自以爲知此學道之病也人能病其知之

爲病則無此病矣聖人之所以不病者善知此
知之爲病而病之所以不病此一章文最奇或
以上爲尙又於首句添兩矣字誤矣

民不畏威章第七十二

民不畏威大威至矣無狹其所居無厭其所生夫惟不厭是以不厭是以聖人自知不自見自愛不自貴故去彼取此

孟子云天下之廣居注
謂仁也

董注見顯也

生長生久視之理也人皆自狹其所居自厭其所生不安於退而務進不觀於無而惑於有是自狹也自厭也無者戒敕之辭言不可如此也夫惟不厭者而能久安故曰是以不厭只就下句袖繹一厭字不及狹字文法也聖人雖知道而若不自見然能晦也雖愛其身而若不自貴然能謙能賤也去彼者去衆人狹厭之心而自取足於斯道也故曰取此

勇於敢章第七十三

四十二

炳於敢則殺。勇於不敢則活。此兩者或利或害。天之所惡。孰知其故。是以聖人猶難之。天之道。不爭而善。謀。勝不言。而善應。不召謀而成。論語子曰。臨事而懼。好易謙卦云。天道虧盈而益謙。地道變盈而流謙。鬼神害盈而福謙。人道憑盈而好謙。或問謙之爲義。不知天地人鬼何以皆好尚之。朱子曰。太極中本無物。若事業功勞於我何有。觀天地生万物而不言所利可見矣。

者。非特人惡之。天亦惡之也。而世之人未有知其然者。故曰。孰知其故。嘆世之人之不知也。聖人猶難之者。言聖人於此亦以此道爲難能也。天惟不爭。而萬物莫得而勝之。天惟不言。而自有感應之理。陰陽之往來。不待人召之。而自至。坦然簡易也。乾以易知坤。以簡能。即坦然。善謀之意也。天道恢恢。譬言如網。然雖甚疎闊。而無有漏失者。言盡惡吉凶。無一毫不定也。聖人之於道。

繫辭上云。乾以易知坤。以簡能。本義云。乾健而動。即其所知便能。始物而无所難。故爲以易而知。大始。坤順而靜。凡其所能。皆從乎陽。而不自

雖以無爲不爭，而是非善否，毫不可亂。此數

句又以笑喻道也。

民不畏死，章第七十四

民不畏死，奈何以死懼之？若使民常畏死而爲奇者，吾得執而殺之，孰敢常有司殺者？殺夫代司殺者，殺是謂代大匠。大匠，勤者，希有不傷手矣。

此章言人之分別，善惡自爲好惡，至於泰甚者。

皆非知道也。故以此之用刑者，喻之言用刑者，不過以死懼其民，而民何嘗畏死？使民果有畏死之心，則爲奇。衰者，吾執而刑之，則自此人皆不敢爲矣。故曰：吾得執而殺之，孰敢今奇衰者？未嘗不殺而民之犯者，日衆，則民何嘗畏死哉？司殺者造物也，天地之間爲善爲惡，常有造物者。司生殺之權，其可殺者，造物自殺之，故曰：常有司殺者殺，殺爲國而切於用刑，是代造物者。

襄字彙曰：徐嗟切音斜
不也周礼有臯奇表
則相反

皇墮謨曰。天討有罪五
刑五用哉。

司殺也以我之拙工而代太匠。斬削則鮮有不
傷其手者。此借喻之中又借喻也。此章亦因當
時嗜殺故有此言。其意亦豈盡廢刑哉。天討有
罪只無容心可矣。

民之飢章第七十五

民之飢以其上食稅之多是以飢民之難
治以其上之有爲是以難治民之輕死以
其求生之厚是以輕死夫唯無以生爲者

是賢於貴生

食穀之多言取於民者太過也。上之有爲言爲
治者過用智術也。上貪利則民愈飢。上好智則
民愈難治。此兩句亦借喻也。凡人過於自愛反
以喪其身。飲食太多亦能生病。此其一也。過於
自愛自養欲以謀生故曰求生之厚。輕用其身
以自取死故曰輕死志其身而後身存故曰無
以生爲者。賢於貴生貴生猶前章曰益生求生

之厚者也。賢猶勝也。

人之生章第七十六

翼合手曰拱董音如字。言人共伐之也。蘿注本自拱抱以上必伐矣。左僖三十二年傳。蹇叔哭之曰。孟子吾見師之出而不見其入也。公使謂之曰。尔何知。中壽尔墓之木拱矣。杜註。合手曰拱。公羊傳僖公三十年。秦伯將襲鄭。百里子與蹇叔子諫曰。千里而襲人。未有不亡者也。

人之生也柔弱。其死也堅強。萬物草木之生也柔脆。其死也枯槁。故堅強者死之徒。柔弱者生之徒。是以兵強則不勝。木強則共強。大廳下柔弱廳上。

秦伯怒曰。若爾之年者。宰上之本拱矣。注。宰冢也。拱可以手散抱。羅山按。穀梁注。拱合抱。公羊注。拱以手散抱。左傳注。合手曰拱。尚書疏。兩手搘之曰拱。

柔弱堅強皆借喻也。老子之學主於尚柔。故以人與草木之生死爲喻。徒類也是以而下又以

兵與木而喻之。兵之恃強者必不勝。木之初生者皆柔。又而堅強。至於拱抱則將枯矣。故知道者以柔弱爲上。堅強爲下。共猶宰上木拱之拱也。

天之道章第七十七

天之道。其猶張弓乎。高者抑之。下者舉之。有餘者損之。不足者補之。天之道。損有餘者。以柔弱爲上。堅強爲下。共猶宰上木拱之拱也。

餘孰能有^ク餘以奉天下。唯有道者是以^ク聖人爲而不恃。功成而不處其不欲見賢。天之道惡盈而好謙。猶^ク之張者不^ス反則必弛也。高者必至^ス於自抑。有^ク餘者必至^ス於自損而自下者必舉^ク自屈者必伸^ス自損者必益^ス是天之於物無^ク無然也。而人之爲道何爲而不然乃欲損人而益己。欲以天下之不足而爲一已之有。失^ク天意矣。唯有道之人乃能損我之有^ク餘以奉失^ク天意矣。

天下故曰孰能有^ク餘以奉天下。唯有道者易言。損益亦是此意。此亦借以喻道也。聖人所以雖有^ク爲於天下而不以自恃。雖功成而不居其功。雖有^ク至賢之行而不欲以此自見。此爲道日損必至於損之而又損也。

天下柔弱章第七十八

天下柔弱莫過於水。而攻堅強者莫之能勝。其無以易之。弱之勝強。柔之勝剛。天下

易損卦彖曰。損^ク下益上。其道上行。益卦彖曰。益^ク上益下。民說无疆。自上下。^ク其道大光。

韓非子曰。千丈之堤。以蟻穴而壞。

莫不知莫能行故聖人云受國之垢是謂社稷主受國之不祥是謂天下王正言若反

水爲至弱而能攻堅強世未有能勝之者千金之堤敗於蟻穴之漏是弱之勝強者無以易於水也故曰其無以易之弱能勝強柔能勝剛如水之易見人莫不知之而至道在於能柔能弱者莫之能行也故古之聖人常有言曰能受一

國之垢者方可爲社稷主能受一國之不祥者方可爲天下王此即知其榮守其厚之意不祥者不美之名也蓋位至高者不可與天斗求勝須能忍辱則可以居人之上垢與不祥不可受之受也似反一曲之常言其實正論故曰正言若反聖人云三字自佳一本以云爲言誤也

和大怨章第七十九

和大怨必有餘怨安可以爲善是以聖人

吳注契者刻木爲券。中
分之。各執其一。而合之。
以表信。取材物于人曰。
責契有左右。左契在主
財物者之所。右契以付
來取財物之人。

執左契而不責於人。有德司契。無德司役。

天道無親。常與善人。

恩怨兩忘。方知至道。人有大懲於我。而必欲與。
乏和雖無執怨之心。猶知怨之爲怨。則此心亦
未化矣。雖曰能與之和此心。未化則餘怨尚在。
安得謂之善道。此誠到理之言。亦借喻也。左契
者。如今火合同文字也。丁人得左。丁人得右。故
曰。左契。此契在我。則其物必可索。聖人雖執此

契而不以索於人。忘而化也。此亦借喻之語。有
德者。則司生。此契而無求索之心。無德者。則以
明白。爲坐徵明也。猶今人言必與之。計分曉也。
有德。司契者。善人也。天雖無私親。而此等有德
之人。天必佑之。故曰常與善人。

小國寡民章第八十

通義與文王既沒。文不
在茲。當今之世。舍我其
誰同意。

吳注。十人爲付。百人爲
伍。什伯之器。重大之器。
衆所共也。不用者。不當
爲不貪。求重大之器。無
所用也。重死者。視死爲
重事。而愛養其生。不遠
徙者。生於此。死于此。不
他適也。老子欲挽衰周。
復還大古。國大則民衆。
難治。得小國寡民。而治。

之使其民毋慕于外。自足于内如此也。舟車甲兵。非一人所可獨用。謂付伯之器。孟子公孫丑上云。鷄鳴而齊吠相聞。而達乎四境。猶吠相聞。而齊有其民矣。孟子公孫丑上云。伯夷伊尹孔子得百里之地。而君之。皆能朝諸侯。有天下。

甲兵無所陳之。使民復結繩而用之。甘美食。美其服。安其居。樂其俗。隣國相望。雞狗之聲相聞。民至老死不相往來。

小國寡民。猶孟子言。得百里之地。皆可以朝諸侯。一天下之意。老子蓋曰。有道之人。若得至小之國。不勞之民。并而居之。使有什伯。如今人之保伍也。人以人皆有可用之器。而不求自用。是人皆有士君子之行。而安於自退也。重死而不遠。輒系辭下云。上古結繩而治。後世聖人易之。以書契。百官以治。万民以察。蓋取諸夫。朱子曰。結繩今溪洞諸蠻。猶有此俗。又有刻板者。凡年月日時。以至人馬糧草之數。皆刻板爲記。都不相亂。徐氏曰。書文字也。契令納也。言有不能記者。書識之。事有不能信者。契驗之。取明決之義。

徒小人。皆畏罪。不爲惡而各安其居也。雖有刑。與無所乘之。不致遠以求利也。雖有甲兵。而不然。陳列不恃力。以求勝也。含蓄契而用。結繩復於素朴也。甘食羹衣。安居而樂。俗隣國雖近。雞狗之聲。雖相聞。而老死不相往來。各自足而不相求也。此老子因戰國紛爭。而思上古淳朴之俗。欲復見之也。觀其所言。亦有自用之意。

信言不美。章第八十一

不積三句知者之不慎也。天之道四句善者之不辨也。知者洗心藏密空々自如隨感而應隨應而竭故曰不積此實過化存神之意。

信言不美美言不信善者不辯辯者不言已愈有既以與入已愈多天之道利而不害聖人之道爲而不爭。

齊物論云道隱於小成。言隱於榮華。

真實之言則無華采有華采者非真實之言也莊子曰言隱於榮華即此意也善純也純德之人則無所容言又何辯乎好辯則非純德者矣知道之知不以博物爲能以博物爲誇非知道

者也聖人之道虛而已何所積乎未嘗不爲久也而在已者愈有未嘗不與人也而在已者愈多其猶天道然虛而不屈動而愈出爲人與人言以道化物也天之道雖有美利而不言所利則但見有利而無害纔有利之之名則害亦見矣聖人之道無爲而無不爲而未嘗自恃其有故不與物爭而天下莫能與爭一書之意大抵以不爭爲主故亦以此語結之

老子膚齊口義下

正保戊子暮春吉旦
書林豐興堂重刊行

本朝古來讀老莊列者老則用河上公
莊則用郭象列則用張湛而未嘗有及
希逸口義者近代南禪者沙門岩惟肖
嘗聞莊子于耕雲老人明魏而后惟肖
始讀莊子希逸口義今來比之皆然雖
然未及老子希逸口義至於今人皆依
河上余嘗見道書全書載老子數家注

又有老子翼。有老子通。且又有林兆恩。
可解者。不遑枚數。希逸視諸家。最爲優。
今余隨見隨點。而附僂訓于旁。他日雖
有風葉之可校。而又吾家之敝帚。在于
茲歟。

羅山子

道春書

